

29

POSITIONES
MEDICÆ INAUGU-
RALES,

Quas,
Auxiliante DEO,

Jussu
Gratiosæ Facultatis Medicæ,

IN INCLYTA EBERHARDINA,
PRÆSIDE

DN. ELIA RUDOLPHO

CAMERARIO, Phil. & Med. Doct. ac Prof.

Publ. Celeberr. Sereniss. Domûs Wirtemberg, Con-
sil. & Archiatr. Feliciss. Facult. Med.

Seniore,

*Dn. Patrono, Præceptore atque Cognato, Pa-
rentis instar devenerando,*

Pro

L I C E N T I A

Summos in Arte Medicâ Honores ac Privilegia

DOCTORALIA legitimè consequendi,

In

A U L A N O V A,

Add. 27. Sept.

ANNO M. DC. XCIII.

Publico Eruditorum Examini

submittit

JOHANN. CHRISTOPHORUS Gerlach.

Tubingæ,

Literis Gregorij Kærneri.

1831/1832

...

...

...

...

...

...

...

...

THESIS I.

*Fœminam in opere Generationis non nisi passivè, so-
lam Materiam pro Formando Fœtu suppe-
ditando, concurrere, probabile
non est.*

Ecunda litium Mater est Generatio, eoque
fecundior, quò sterilis magis nostra de Illa scientia,
vix en: reperiatur circa hanc Materiam hypothesio,
quæ vel in dubium revocata non fuerit vel revocari
adhuc hodiè non soleat aut possit: ita postquam
crassa illa utriusque seminis commixtio explosa
fuit, atque Generatio Animalium ex ovo passim demonstrata, quic-
quid activi s. in fœtus formati one s. ovi fecundatione (quæ duæ
actiones secundum Recentiorum placita valdè diversæ sunt, cum il-
la infinitam, hæc non nisi mechanicam requirat scientiam) obser-
vatur, id omne spirituosum seminis masculini contagio tribui cœpit,
planè ad *Aristotelis* mentem, qui jam olim l. 1. de *Generat. Animal.*
c. 2. & 20. fœminam materiam ac corpus, marem autem formam &
principium motûs suppeditare, illamque ad eò passivum hunc verò
activum principium constituere statuit. Cùm enim Materia conce-
ptus seu futuri fœtus, utpote ovo materno inclusa, à sola matre
nihilque planè ejus à patre suggeratur, id quod *Celeberr. D. Boer-
haave*, prolixè demonstrat, æquum planè erat, suam quoque, prin-
cipii nempe activi, provinciam semini masculino assignare. Hoc scilicet,
est, quod, ex communi illà hypothesi, sive per poros uteri, sive per tur-
bas Fallopianas, sive per sanguinem, sive per omnes has vias simul
summâ quâ pollet, activitate & penetrandi facultate ad ovarium
sive testiculum fœmininum delatum, ovum fecundat, i. e. fluidum

ovulis contentum, commovet, subigit, primaque ex eò fœtus stam-
 mina format & nectit. Quod si tamen omnes res circumstantias ac-
 curatius paulò pensito, ratio sufficiens haud occurrit, quare fœmi-
 næ in fecundationis & formationis opere omnis deneganda sit
 activitas, quin potius fœminam in fecundando ovo & forman-
 do fœtu activè etiam tanquam causam sociam cum mare concurrere,
 nec solam fœtus materiam suppeditare, probabile mihi videatur.
 Non reproducam Antecessorum nostrorum *Vim Plasticam*, non ma-
 sculino saltem, sed & fœminino semini assertam, cum non tantum
 connexam habuerit explosam illam hodiè seminis utriusq; commisce-
 lam crassiorem, sed & ubi vix tanquam turpe ignorantie asylum ex-
 hibitari soleat, licet lateri cogar, vix meliora, exceptà fortè ingenuâ
 ignorantie confessione, cujus ne sapientissimum quid: *Salomonem*
 producit, hætenus, quantum ego quidem nôvi, substituta fuisse:
 nec etiam adeò urgebo, quod *Aliorum*, nî fatlor, pro adscribendo
 fœminis activo concursu, argumentum solet esse, similitudinem fœ-
 tuum, quâ *Patrem* modò, modò *Matrem*, & hanc quid: sæpissimè
 etiam quoad iudicium, ingenium, &c. referunt; nec frequentes
 adeò eosque miros sæpè *Imaginationis Maternæ* effectus; horum eni:
 causam non Efficientem, sed occasionalem saltem maternam ima-
 ginationem esse, adeoque parum solidi exinde pro activo fœminæ
 in formando fœtu concursu concludi, reponent forsan *Alij*: Verum
 si *Rationem* solum, quæ semen masculinum in sublimiorem princi-
 pii activi locum evexit, perpendamus, eadem pro semine etiam fœ-
 minino militabit. Est autem illa, *seminis masculini summa spirituo-
 sitas*, quâ instar fulguris omnia penetrare & commovere, adeoque
 ad hoc opus tanquam summè activum, maximè aptum deprehen-
 ditur: quis verò insignem quoque spirituositatem semini fœminino
 sive liquori in ovulo contento, iisdem præsentibus causis, denega-
 bit? Recipiat sub *consortio* conjugali æstroq; Qereò maximum ad huc
 impetum semen masculinum, qui tantam illi largiatur energiam,
 quod quid: negare vix quisquam attentius hæc considerans, pote-
 rit: quis verò crederet, ovulum ejusve contentum sive semen fœmi-
 ninum, eodem modò non exagitari, ubi æquè ac in mare, tur-
 gere omnia, totum spirituum systema peculiari planè modo com-

moveri in foeminâ quoq; deprehenduntur? Quod si itaq; semen foem-
 inum æquè spirituosum est ac masculinum, æquè peculiari modò &
 impetu sub Oestro Qreò exagitur, rationem non video, cur soli semi-
 ni masculino activitas adscribi omnis, ovulumque, sive semen foemi-
 num tanquam materia, quæ quiescat quasi & merè passivè se ha-
 beat, considerari, prout à pluribus solet, debeat; probabilius certè,
 mihi saltem, positis his circumstantiis videtur, utriusque seminis
 particulas spirituosas determinatò & peculiari impetu agitas con-
 currere, junctisque viribus exequi id, quod soli plerumque semi-
 ni masculino adscribi solet, sive id fiat sub directoriò & determina-
 tione alteriuscujusdam *Agentis & Præsidis* quasi, sive *vi benedictionis*
 & *ordinationis* semel à summo Creatore instituta, quâ DEO placuerit,
 ut quotiescunque mas & foemina, secundum divinum beneplaci-
 tum, concurrant, debitæque adsint circumstantiæ, utriusque se-
 minis particulae agiliores & maximè spirituosæ spontè & cœcâ obe-
 dientiâ certum illum & determinatum, licet vix ulterius determina-
 bilem, ineant motum, quem particulae seminis magis materiales &
 passivæ sequentes, non possint non sese ad suum adaptare ordinem.
Dices: Hæc verò omnia facile dicuntur, sed animo curioso non satis-
 faciunt, talia enim hæc sunt, quæ infinitam planèque divinam requi-
 runt sapientiam, & faciliora sunt omnia, si dicatur, DEUM in pri-
 mâ Creatione (in quovis en. generationis actu adhuc hodiè cor-
 pus nostrum immediatè à DEO creari, credibile non est licet im-
 mediatum DEI digitam artificiosissimam ejus structura requirat)
 omnia, quotquot ad finem usque mundi proditura sunt, ovula
 creasse, & vel ovario Evæ, vel globo terræ-aq.-aëreo indidisse, quæ
 postmodum cum aëre, alimentis, &c. in corpus foeminæ trans-
 eant, inque ejus ovario tanquam locò præ aliis, conveniente hæ-
 reant; (cui *posteriori hypoth.* si, ut in transitu hoc notem, difficultatem
 præ illâ, quæ ovario Evæ ovula includit omnia, movet quod, secun-
 dùm *Bohniū*, ovula congenerentur, cum in pennatis modo editis,
 mox ovulorum racemus conspiciatur, juxta *Aquapendentem*, mili-
 ant sinapi semen vix æquantium, juxta *Harveum* adhuc minorum, &
 visum propè effragientium; imò in embryonis foeminini, sex mensium
 testiculis instar sudaniaum exilium ovulorum horum primordia ipsi

Cl. Bohnio videre contigerit, præter illas vesiculas miliares, quas in ovario gemellæ monstrosæ recens editæ **Peierus** se observasse perhibeat: sic enim non progressu demum temporis ovula in foeminam transeunt, vixque tanta eorum copia, in sanguine materno, foetus alimento, latuisse & ad scitum transiisse, cum facilius ad ovarium matris, tramitem locumque consuetum, transire potuissent, cum probabilitate ullâ dici poterit) sic enim nihil amplius requiri, cum partes omnes à DEO jam formatæ in ovulò lateant, quàm ut à spirituosò maxime semine masculino, ab extra superveniente, commoveantur, ad uterum deportentur, ibique crescant & augeantur, donec in lucem prodeant; quæ tantam non requirant sapientiam, sed omnia secundum mechanicas motûs leges peragi possint. *Verum enim verò* stante etiam hac hypothese thesis mea non corrui; adsit enim in ovo totum corpus integrè jam, licet sub minimâ mole formatum, supervenientem tamen, quæ necessaria adhuc est, *fecundationem*, seu agitationem, commotionem, vel quocunq; nomine vocare illam lubuerit, à solò masculini seminis impetu dependere, valdè dubito, cum parem, uti jam dictum, agitationem, parem impetum non possit non suscipere spirituosus pariter liquor genitalis ovuli foeminini, cui suam proinde activitatem cum ratione denegare non possum; Ipsam verò quod attinet *hypothesein*, quæ mihi quoque aliquando mirè placuit, prolixius paulò de illâ *prior. Ann. Mense Martio in Disput. cui Tit. Triga Thesium Physico-Medicæ*. egi, dubia varia proposui, tandemque, proindignâ aliàs Philosopho, ignorantia, sacris literis, credo, conformiter, pugnare non dubitavi, quæ omnia, unâ cum iis, quæ *Amicus suavisimus Dn. Lic. Müller, Physicus Herrenberg.* nuper in *Curios. Disput. de Funiculò Umbil. sub Pras. Exc. Dn. D. Zelleri, Patroni & Praeceptoris mei Colendissimi*, contra hanc hypothesein movit, repetere hujus loci non est; id verò inter alia plura animo firmiter semper infixum manet, *quoniam sit causa partis alicujus supernumeraria, occasione imaginationis materna foetui integro superaddita, e. g. sexti digiti, &c.* DEUS certè nec in primâ Creatione, nec tempore maternæ imaginationis, illum immediatè creasse dici cum ratione poterit, cum non deliberatò consiliò incertum quendam finem, sed ex accidenti & contingenter planè, occasione imaginationis talia sæpissimè evenire

plus

plus quàm notum sit; nec etiam tantarum est virium illa *Marris Imaginatio*, ut novum ex ovario deturbet ovulum, illud fecundet, partemque ejus foetui jam integro artificiosissimè apponat; cùm hoc sit partim contra ipsam generalem hypothesein, requireretur enim nihilominus stupenda, quàm Mater omninò destituitur, pro apposendo debitè novò illò membro, sapientia; partim stabiliret illud diu jam explosum *Decisum Gratianopolitanum*, quò foeminam per solam quoque imaginationem concipere posse statutum fuit, egregiò meretricum & adulterarum pro demonstrandâ innocentia argumento. Producitur itaque pars ejusmodi supernumeraria absque immediatò, proportionatæ ad ejus artificiosissimam structuram sapientiæ, Artifice, totiusq; adeò hypotheseos fundamentum vacillat: Quid? quod & in macrocosmo non desint artificiorum effectuum, absque proportionatæ sapientiæ artificum productorum exempla: Quanta e. g. est sapientia *apum*, quæ favos suos artificiosissimè, *aliorumq; brutorum*, quæ nidos & habitacula sua, sæpè etiam in futuros casus contingentes providè satis exstruunt? Tanta cerè ipsis neutiquam competit sapientia, quantam vi dictæ hypotheseos effectus tam artificiosus, cujus tamen causa sunt, requireret, nisi eadem propriè homine sapientiora dicere velis. Sed quid opus hisce? cùm, uti jam dictum, stante etiam illâ hypothesei, probabilitati meæ Theseos nihil decedat. Id verò *paradoxum* magis videretur, si occasione hujus thesios, eadem probabilitate, quàm seminis feminini concursus activus, *seminis etiam masculini concursus materialis & passivus* evincipisset, hoc enim vix ab ullò amplius, postquam crassa utriusque seminis coniunctio exolevit, asseritur, nisi forsan ab illis, qui hominem è *vermiculò*, in *semine masculino repente*, nasci, microscopiò se demonstrasse autumant; quam hypothesein ab *Aliis* jam, me longè doctioribus examinatam non tango; id saltem, discendi gratiâ querens, annon vel in gratiam Majorum nostrorum, utriusque seminis materiale concursus statuendum *secundum illud Lucretij*:

Semper enim partus duplici de semine constat,

dici non sine omni ratione possit, materialiter etiam concurrere semen masculinum, quatenus, (ne repetam ea, quæ *Aldes* contra *Harveum* movit) spirituosæ ejus particule, quæ ovum fecundare dicuntur,

tur, si non ad partium solidarum formationem, saltem ad partium fluidarum, spirituum præprimis, substantiam, materiali et passivè etiam concurrant: seminis enim masculini particulas remanere in foetu, nescio cur negem: Si autem remanent, concurrent etiam tanquam pars materialis si non ad partes solidas, tamen ad fluidas (licet ex his illæ quoque constent) quæ cum reverà etiam corporis nostri partes sint (non hîc immorabor logomachia illi, *an fluida etiam sint partes?* quæ pro diversâ ratione, quâ vox partis sumitur, facile dirimitur) materialiter etiam semen masculinum ad corporis nostri constitutionem concurrere, absque absurditate dici posse videtur; licet enim particulae illæ seminis masculini ad ovum transeuntes sint subtilissimæ, perpendendo tamen parvitatem & subtilitatem totius corpusculi, habebunt illæ nihilominus aliquam ad corpus constitutum proportionem, nec fortè adeo exiguam, si perpendamus, posse corpuscula ob subtilitatem insensibilia, si cum aliis jungantur, sensibilia satis evadere, quemadmodum e.g. effluvia spiritus sal. armoniac. vel alius urin. vol. ob summam subtilitatem oculis imperceptibilia, si in aëre cum effluviis spir. vitrioli vel alterius acidi, & proximè admoto vasculò evolantibus jungantur, nubeculam constituunt satis sensibilem. Quæ tamen omnia, aliorum me multò accuratius philosophantium iudicio eâ, quâ decet, reverentiâ submitto. Noli pro activo sceminæ concursu, traductionem animæ, haud infirmum aliàs argumentum, afferre, cum plurimi Eorum, quibuscum mihi res est, eam non admittant. Theologicas magis circa hoc punctum Meditationes qui desiderat, commendatum (meâ licet commendatione non indigeat) sibi habeat Maxime Reverendi D. D. Haberlini, Ecclesie Stuttgardiana Antistitis Dignissimi, Patroni mei Colendissimi, Tract. de Generatione Plantar. & Animalium.

TH. II.

Differunt Febres Tertiana Dna à Tertiana Duplici.

Lippis nota est atque consoribus vulgaris Febris Tertianæ à reliquis Intermittentibus Quotidianâ scil. & Quartanâ distinctio, in ipso fundata nomine: Constat autem per multiplicem Practicorum
Expo-

Experimentiam, præter manifestam illam *temporis*, quò paroxysmus
 redire solet, diversitatem, differentiam insuper ratione reliquorum
Adjunctorum ordinariè observari haud exiguam: in *Tertianâ* enim
 plerumq; observatur in principiò Rigor subitus, vehemens, corpus
 contitens, pulsus tardus, parvus, rarus; quæ postea sensim sen-
 simq; eremittunt, succedunt totius corporis calor æqualis, sensim
 increfcens, intensus, acris, pungens: sitis, cephalalgia, frequens
 respiratio, pulsus increfcit in magnitudine, frequentia, celeritate,
 accedunt aliquando deliria: urina est rubra, intense tincta; adest ali-
 quando amaror oris, vomitus biliosus aliquando ante, aliquando
 post paroxysmum; sudor sub finem paroxysmi largus, vel ad mini-
 mum perpetuus odor & mader; durat aliquando paroxysmus ad 12.
 raro, nonnunquam tamen ultra, ad 24. 26. horas; affligit præ aliis
 juvenes, viros, constitutione calidiore præditos, sequi solet tempus
 Anni calidum magis & siccum, iram, vigilias, potum generosum,
 exercitia vehementia, quæ quidem non omnia simul & semel, unum
 eundemque ægrum, eodem tempore, sed modò hæc magis, modò
 illa, pro ratione ægri, temporis, &c. affligunt. In *Quotidianâ*, quæ
 rarior est, notantur pulsus tardus valdè, urina pallida cum sedimen-
 tō copioso, præcordiorum compressio (sed, quod notandum in pra-
 xi, compressio *gravativa*, vel talis qualis à flatibus, secus ac in *Quar-*
tanâ, ubi pariter præcordiorum observare licet compressionem, sed
 quæ *spasmodicam* potius *contractionem* redolet) frigus extremorum in-
 æquale est, in initium noctu plerumque sumit sine rigore, calor, æstus,
 sitis, & quæ hæc sequuntur incommoda, tanta non sunt ac in *Ter-*
tianâ, durare solet paroxysmus ad 16. 18. 20. & plures horas, ut ab-
 solutò vix paroxysmo, alter pressò sequatur pede, hyeme, senibus,
 foeminis, magis familiaris est & satis pertinax, &c. In Febre *Quar-*
tanâ, pertinaci Saturni filiâ, præter communia magis sympto-
 mata, notantur horror & rigor intensus, qualis à frigore hyberno,
 dolorem osteocopi inducens, calor succedens inæqualis, minus servi-
 dus, pulsus ferè semper debilis & rarus, urina in principiò ut pluri-
 mum aquosa, tenuis, alba, cruda, progrediente morbo crassior,
 coloratior, magis varians, sudor copiosus, foetidus, acidum redo-
 lens, compressio præcordiorum, sed ut ante de quotidiana notatum,

Spasmos

psmodica magis quàm gravativa vel flatulenta; tenet paroxysmus ægrum ad plures horas, morosi sunt ægri, sputatores, curis, tristitiæ, studiis nimis incumbentes facillè invadit, autumnò maxime, quò tempore accedens diurna solet esse, vix enim ante solstitium hybernum, imò æquinoctium vernum plenè liberatur æger, &c. *Frequentissimè* autem in praxi observatur Febris, quotidie rediens, sicque ratione periodi nomen quotidianæ Febris extra dubium merita: quoniam autem adjuncta ejus talia deprehenduntur, quæ febris tertianæ potius competunt quàm quotidianæ, vocare illam Practicis libuit non Quotidianam, (quæ non adeò frequens est) sed *Tertianam Duplicem*; quanquam non defint, qui distinctionem hanc non admittant, & vel *Quotidianam spuriam*, vel *secundariam*, vocare malint: Rationem tamen vix video, quâ moti nolint vocare tertianam, cum 1. symptomata & reliqua signa testentur tertianam, non quotidianam. 2. Non possibile saltem, id quod nemo facillè negaverit, sed & credibile maximèque probabile sit, ob dicta modo signa tertianæ, latere fermentum hujus febris in duobus focus, ita ut unum primo, alterum secundo die sanguinem invadat, sicque inter duos paroxysmos semper dies esset intermedius ἀπόπερος, nisi ab altero tunc hoste sanguis invaderetur, sitque ideò reverà & propriè *Tertiana*, cum tertio quovis die redeat, nullòque modò *quotidiana* vocari possit: hinc 3. paroxysmi non soleant esse æquales, de quo postea. 4. Cura etiam aliquantum variet, sicque incantior quispiam, ad nomen magis, quàm naturam febris attendens, si quotidiana vocaretur, decipi facillè atque errare, licet non adeò graviter, possit: Hinc *Celeb. Schelhammer. in Diff. de Genuinâ febres curandi methodò*: monendum, inquit, Duplices tertianas & quartanas, hasq; triplices, habendas optimo jure duas tresque febres, proprios suos circuitus habentes, adeoque nihil diversas reipsâ ab aliis; singulas quoque suam postulare curationem peculiarem, eâ lege, ut à mitiore incipiatur, eaque, non neglectis tamen cæteris, fortioribus primum oppugnetur remediis: sic citius, quàm reliquas cessaturam spes est, quò factò majora intervalla plus loci relinquunt & Medico alterantibus acturo, & naturæ vires instauranti. Præter verò vulgarem hanc inter Febrem quotidianam & Tertianam duplicem distinctionem, solet ulterius *Exc.*

Dn. Praeses, distinguere inter *Tersianam duplicem* & *Tertianas duas*; in praxi nempe observatur, recurrere aliquando Febrim singulis diebus, ita quidem ut eadem sit vehementia, eadem affligant symptomata, idem planè sit typus, unusque adeò paroxysmus alteri omnino similis quoad omnia, singula tamen praesentia signa non de quotidianâ, licet quotidie eodem modo recurrat, sed de Tertianâ testari, quæ optimò hinc jure *Exc. Dno Praef.* vocatur *Tertiana Duplex*; qualis etiam est, si alternis quid: diebus, sed in unò die duo paroxysmi, sibi invicem planè similes, invadunt; quæ utraque *Tertiana Duplex* rarior paulò est: *Frequentius* autem contingit, ut quotidie quidem ægrum torqueat paroxysmus, sed ita, ut unus alteri non sit similis, verum primus tertio, quinto, septimo &c. Secundus, die, qui à *impetibus* deberet esse, invadens, quarto, sexto, octavo &c. respondeat: Primum paroxysmum vocare nonnulli solent *originalem*, alterum *emergentem*, huncque præ illo curatu faciliorem judicant, quod uti aliquando contingit, si scil. mitior sit *Emergens*, rigor, æstus, dejectio virium, & reliqua symptomata tanta non sint ac in *originali*: ita ordinarium id non est; contingit enim ut alia quidem adsint symptomata in paroxysmo secundo ac in primo, sunt tamen illa quandoque non minus vehementia; hinc licet e. g. secundum, quartum &c. paroxysmum non comitetur *Cephalalgia*, quæ in primo, tertio &c. ægrum affligebat; adest tamen e contra *cardialgia* ad desperationem usque intensa; qui paroxysmus mitior præ illò vocari nequit: quemadmodum etiam paroxysmus secundus *Emergentis* nomen tum solum mereri videtur, cum febris primò est simplex, postea verò successu temporis fit gemina, sicque alter paroxysmus è primò quasi emergit; non verò si simul in principio statim utraque adsit febris; tunc enim non demum una ex alterâ emergit quasi & generatur, sed propriam quælibet habet originem: Hanc verò Febrim, quæ communiter magis *Tertiana Duplex* audit, ob diversitatem paroxysmorum *Exc. Dn. Praeses* vocat *Tertianas Duas*, easque non ex inutili subtilitate à *Priori* quam *Tertianam Duplicem* vocat, distinguit, quatenus 1. licet in praxi quam talia haberent nullum, Medicum tamen accuratum distincta distinctè tradere, nec ea, quorum diversitatem ipsa ostendit Natura, confundere deceat. 2. Curatio etiam differat, cum in *Priori Tertiana*

nā Duplici, cura utriusque Febris sit eadem; in posterioribus verò, Tertianis duabus, variantia symptomata curam etiam aliquantisper varient. Quæ omnia ad Quartanam etiam applicari facili negotio poterunt.

Th. III.

Febris Hæctica & Lenta Tabifica distingu possunt & debent.

Sunt hæc Febres, de quibus vulgò dicitur, in principio facile quid: curari sed difficulter cognosci, in progressu autem facile cognosci, sed difficulter curari, quod de Hæcticis & Lentis Tabificis effatum ubique ferè in Practicorum libris deprehendere licet: Non autem adeò facile inter Recentiores præsertim, invenias, qui unam ab altera distinguat; hinc verò esse videtur, quod non eandem & uniformem febris Hæcticæ curam apud Autores Practicos reperire liceat, dum alter *Hæcticam propriè dictam*, alter pariter quid: Hæcticam, sed quam Exc. Dn. Præses *Lentam Tabificam* appellare solet, curandam describit, quæ non quivis statim tyro conciliare novit. Observat nempe in praxi Exc. Dnus Præses, aliquando Febri continuæ, rarius Intermittenti succedere febrem corpus depascentem, instar carbonum sub cineribus latitantium, post apertam deflagrationem, qualis in febre continua præcedere soleat, per quam textura sanguinis ita depravetur, ut corrigi vix amplius possit, quare & Hæctica plerumque sit incurabilis; calor enim adest p. n. qui licet remissior sit quàm febris continua præcedens, intensior tamen est ratione consumptionis, marasmodum enim inducit, contabescitque insigniter adeò corpus, ut æger sceleton referat, pallet vultus, arida sit cutis, sitis est intensa, sudores adsunt colliquativi, vires nimium quantum prostermentes; hinc purgantia & diaphoretica, cane pejus & angue à practicis fugiuntur: hæcque Exc. Dno Præsidi *propriè Hæctica* dicitur. *Frequentius* autem observatur contabescere corpus, calere etiam p. n. ad modum quid: febris continuæ sed remissioris, & circa vesperam cum exacerbatione; verum corpus non est adeò aridum & squalidum, nec pallet saltem æger, sed faciem potius ostendit luridam, cachecticis similem,

nilum, aliquo modo nonnunquam tumentem, quod nos vocamus *Hy-*
phitis; tanta non adest sitis, nec intensa adeo virium prostratio; de
 aliis autem conqueruntur incommodis, anorexia aliquando (quæ ab
 aliquibus pro potissima contabescentiæ causâ habetur, quibus ta-
 men, cum appetitus dejectus non semper adsit, imò aliquando sit ni-
 mius, non assentimus) difficili respiratione, variâ præcordiorum
 compressione, ructibus, cardialgia, aliisque quæ non tam aliquid
Hæctici quàm *cachectici* potius vel, ut vocari solet, *hypochondriaci*, de-
 monstrant; hinc & sudores, licet copiosi, frequentius tamen cum al-
 leviatione sunt manifestâ, quàm virium prostratione, secus ac in *Hæ-*
ctica; quare & lenia *purgantia* & *Diaphoretica*, formidanda adeo
Hæctici nomina, in posteriori hac specie, quæ *Lenta Tabifica* Exc.
 Dno Præf. audit, non admitti saltem possunt, sed sæpè necessaria pla-
 nè sunt, ita ut reliquis, hinc quoque vulgò præscribi solitis, *Antihæ-*
ctici nihil aliquando proficiat, nisi Universaliora illa præcesserint;
Purgantia quid: lenia, si adsit anorexia, cardialgia, ructus, præcor-
 diorum compressio gravativa, qualis humoribus pituitosis, dolor
 etiam aliquando urens, qualis humoribus biliosis vulgò adscribitur;
Diaphoretica verò, si in reliquo potius corporis ambitu varia variis
 etiam ab ægris, aliquando nullis planè expressa nominibus incom-
 moda adsint, compressio quoque præcordiorum & difficilis respiratio
 molesta sit, sed talis qualis à flatibus oriri solet, id quod Medicus
 practicus haud adeo difficulter hariolatur: Quin & in reliquâ curâ
 ordinariis illis *antihæctici* *absorbentibus*, *terreis* &c. iungi decet non
 tam multa viscida, mucilaginosa, uti in *Hæctica* propriè dictâ, quàm
 leviter *Aperientia*, *Anticachectica*, *Crem. tartari*, *spec. diarrhod.* *Abb.*
 &c. Quodsi & Causam præcedentem consideremus, *Hæctica* propriè
 Exc. Dno Præf. dicta ordinariè succedit *Febris*, frequentius conti-
 nuis, rarius Intermittentibus: *Lenta* autem *Tabifica* sæpè *absque præ-*
cedente febre, sed vel per se, absque tali manifestâ præcedente causâ,
 vel ab abscessibus aut ulceribus sive internis sive externis oritur; (de
 variis Tabem præcedentibus morbis vid. *Morton. phthisiolog.*) ali-
 quando tamen febrem etiam sive intermittentem sive continuam se-
 quitur, ejusque quasi continuatio, sed remissior esse videtur, in quò
 casu convenit quid: cum *Hæctica*, ratione hujus originis, per reliqua

tamen jamjam adducta signa satis ab illa distinguitur; quid? quodd
& *prognosis generalis* haud adeò levem, vel subtilem saltem schola-
sticorum, quam Medicus in praxi attendere nec possit nec debeat,
distinctionem harum Februm demonstret. *Hectica* enim *difficili-*
mè & rarè; Febris autem *Lenta Tabifica* *frequentè* satis nec adeò *diffi-*
cultè curatur. Febres has non ab *internis* saltem, sed & *externis* ori-
ri ulceribus vel Abscessibus dixi; aliquando scil. non semper: notum
enim est dari practicos satis *Celebres*, qui Febres has *Hecticas* & *Len-*
tas Tabificas ab *Ulcere* vel *abscessu* hujus vel illius partis *internæ* unice
deducant; At, quemadmodum non negatur, aliquando & forsan
frequentè ab *internis* illas oriri abscessibus; ita tamen universale id
non est, observavit enim *Excell. Dn. Praeses* ejusmodi febrium plures,
ubi nec signum ullum vel symptoma, nec cadaverum sectio aliquid
ulceris aut abscessus demonstrabat; in quò & ἐμὲψηφον præter alios
habeo laud. supra *Schelhammer. cit. Diff. p. 117. & seq.* oriri tamen ean-
dem & posse & solere ab ulceribus *externis*, Ratio æquè suadet ac Ex-
perientia, eadem enim ulcerum est ratio s. in *internis*, s. in *externis*
sint partibus, inficitur utrobique ab iisdem sanguis, qui jam an-
teà infectus aliquando ea produxerat, sicque perpetuus quasi fit circu-
lus, sanguis scil. inficit & inficitur; periculosiora tamen sunt in *inter-*
nis quàm *externis* partibus, partim ob majorem in aliquibus affluen-
tem sanguinis copiam, partim ob nobiliorem viscerum internorum
actionem, majoremque exinde metuendam machinæ nostræ læsio-
nem, partim ob locū applicandis adeò commodè medicamentis mi-
nus idoneum, aliasq; forsan rationes; Experientia verò id non tan-
tum in *Ulceribus diuturnis*, sed & in *scabie* demonstrat, quam *Febris*
etiam *Lenta* haud rarò comitari solet, ubi tn. & *purgantia* & *diapho-*
retica non excluduntur, licet in eodem, quò aliàs, gradu, exhiberi tunc
non debeant. Quia etiam absq; *precedente Febre* vel *Ulcere* s. *interno* s.
externo oriri possit *Febris lenta Tabifica*, dubium non est à p. n. sc. di-
spositione partium chyli dispensationi & sanguinis depurationi inservien-
tium, quæ vel acrimoniam vel forsan aliquando vappescentiam vel
aliam denique ad nutriendum ineptitudinem, defectumque partium
rosidarum, balsamicarum, chylosarum, vel quocunque partes
nutrientes insignire velis nomine, sanguini inducat e. g. tumores, ob-
structiones.

Prædiones glandularum mesaraicarum; quarum etiam glandularum
 ut & pancreatis succum visciditate auctum *Sylvius* accusat. Imò Fe-
 bres ejusmodi à nimio corporis exercitiò, labore continuatò, inedia
 diuturniore, irà vehementiore, tristitia etiam & animi mœrore &c.,
 observantur; quæ omnia acedinem quid: defectumque partium nu-
 trientium sanguini inducere apta sunt, non tamen præcisè *Acidus*
 particulis sanguinem cumulant, quas plerumque accusare solent *Re-*
centiorum plurimi, inter illos maximè, qui easdem Febres à solis *al-*
ceribus deducunt: Ne enim urgeam, ingens satis esse postulatum, in
 omnibus ulceribus non nisi *Acidum* peccare, utpote quod & *Aliorum*
 quoque *salium* ad discindendos, discerpendos tubulos, ulceraque con-
 stituenda aptitudo, & varii saniei & puris odores atque sapes, non
 saltem *acidi*, & ipsa cauteria lixiviosa, ulcera actu inducentia, testi-
 bus fonticulis, & denique dolores ulcerum, non saltem quales *Acida*,
 sed & vagi, ignei, inflammatorii, talesque quales lixiviosa cauteria
 inducere solent, variaque alia à *Cl. D. D. Brigelio, Practico Gœppingensi*
felicissimo, Fautore & Amico colendo, in Disput. inaug. de Ulcerib. An-
riquis sub direct. Exc. Dn. Præsidis, adducta, dubium reddunt; Si quis
 non propriam saltem rationem variisque erroribus obnoxiam phan-
 tasiam, sed ipsam experientiam variaque hinc inde occurrentia phæ-
 nomena consulat, observabit quidem, adesse aliquando mœrorem,
 tristitiam, appetitum nimium, alvum adstrictam aliaque *Acido* ad-
 scribi solita symptomata; aliquando tamen calor adest insignior, u-
 rens, sitis insignis, alvus magis liquida &c. quæ certè *biliosis, alcali-*
nis, sulphureis, ad minimum prædominantibus, labentius adscribe-
 rem quàm *Acidus*; hinc & in posteriori casu, præter Refrigerantia, In-
 fringentia Terrea, teste experientia, etiam *Acidula* prosunt, quæ con-
 tra *Acidum* vix suaderentur; hinc & laudatus *D. Schelhammer*: cum
 pluribus forsan *Aliis de Antihæctico Poter. sive bezeardico Joviali*, du-
 binat, quam antihæcticam vim peculiarem possideat; nulla enim, in-
 quit, ejus in stanno indicia apparent, nisi quis *Acidum* absorbendo
 agere existimet; quod tum demum admitti poterit, ubi *Acidum* in
 Hæcticis peccare fuerit demonstratum, quod huc usque præstitum
 non est.

Chartis hæc jamdum illeveram, cum & à *Sennerto, Fernelio,*
 du-

dubioque procul Aliis pluribus, duas has febres Hecticam & Lentam Tabi- fien, sedulò, nonnihil etiam à Willisio, distinctas vidi: Quia tamen recte paulò, ac hîc, factum, quin & à Recentissimis Scrip- toribus non saltem distinctè non tradantur, sed & in ipsâ praxi ad- huc hodiè confundî frequentissimè soleant, eorum, quæ ad illustran- dam hanc thesin, rudi licet, nec uti decebat, accurato satis penie nō scripseram, non poenituit.

Th. IV.

Expletio Desiderii, quò in hunc vel illum Cibum aut Potum avidè fertur Febricitans, Febrim aliquan- do, non semper curat.

Vulgare est, apud plebejos maximè, quòd si quis Febricitans avidè in hoc vel illud cibi vel potûs genus feratur, explendum esse ipsius desiderium, sive cibus ille vel potus secundum ordinarias Diæ- tæ regulas sit inter salubres sive non, tot enim proflare exempla, & loqui quotidianam plurimorum experientiam, qui concessò avidè expetitò ejusmodi potu vel cibo, à febre liberati fuerint, die das Sieber weggeessen oder getrunken haben: Jucundum profectò medi- camenti genus, quod, nisi paradoxum nimis esset atque Empiri- cum, denegari nemini salva conscientia vel posset vel deberet. Quod- si tamen accuratius paulò in ejusmodi exempla, aliaque huc aliquid forsan contribuentia phœnomena, inquiratur, observabitur 1. ple- rumque non expeti absurda, quod in Picâ gravidarum fieri solet, nec semper cibos vel potus tales, qui vel in genere corpori nostro, vel in specie subjecto ægrotanti s. ratione constitutionis naturalis s. respectu morbi, quò laborat, insalubres judicantur, sed aliquando cibos sa- tis in se, & respectu ægri salubres, in majori tamen, quàm aliàs, quantitate. 2. ordinariè magis salutarem expleti desiderii effectum ob- servari, eò tempore quò morbus ipse ad declinationem jam vergit; hinc neminem quidem Excell. Dn. Præses in diffusissimâ suâ Praxi ob- servare potuit, quem in principiò statim febris expetitus & concessus
ejus-

ejusmodi cibus vel potus juverit. 3. Antequam desiderio tali capiatur æger, plura sæpè medicamenta Antifebrilia in usum ducta fuisse. 4. cedere sæpè febrem sponte suâ absque vel medicamentis vel præsentibus & expletio ejusmodi desiderio, quippe quod non in omnibus adest Febricitantibus. 5. Fieri aliquando ab assumptio tali cibo vel potu evacuationem quandam e. g. vomitum, &c. 6. Maximam tamen esse effectum Animi uti in producendis ita & curandis Affectibus corporis efficaciam. Ad quæ si quis sedulo attendere velit, dicendum videtur 1. sæpissimè forsitan circa hoc punctum committi fallaciam, ut cum Logicis loquar, non causæ ut causæ; quod si enim, antequam desiderio hoc teneretur, æger sub Medicinam fuerit curâ, debitisque usus fuerit medicamentis secundum observationem 3. quis, quæsit, qui sanam magis rationem, quam inerti vulgi strepitum, sequi cupit, effectum, si sequitur, salutarem, non prægressis potius medicamentis, quæ & Ratio & Experientia in talibus affectibus commendat, adscriberet, quàm avidè expetito & concessio cibo vel potui, remedio extraordinario & paradoxo. 2. Cum phænomenon hoc non in principio statim, sed declinante jam febre observari soleat sec. observ. 2. rarum autem non sit, sponte, dictio præsertim declinationis tempore, cedere febrem absque vel medicamentis vel ejusmodi desiderio sec. observ. 4. absurdus adeò non esset, qui Naturæ (reservo hoc nomen, ob loquendi compendium) potius opus hoc adscriberet, quàm cibo vel potui concessio, crederetque idem fuisse obventurum, licet nihil extraordinarii circa appetitum ægri contigisset. Quod si tamen 3. cibi ejusmodi vel potus assumpti sint salubres, & non saltem naturali, sed & præsentis p. n. quâ laborat æger, constitutioni accommodati sec. observ. 1. haud incredibile, quin probabile potius est, (cum vix ullum sit alimentum, quod non simul possideat vim quandam medicamentosam, præsertim si in majori, quàm aliàs, quantitate sumatur) ingestum avidius ejusmodi cibum vel potum vices etiam medicamentis explere, sicque morbum tollere, non tantum cibum vel potum avidè appetitum, sed tanquam medicamentum, maximè cum alia jam plerumque præcesserint, ipseque morbus, dum effectus talis, licet non adeò, ut vulgò creditur, frequens, contingit, sit in declinatione. Sin verò 4. vel qualitate adversâ, vel

nimiā quantitate ingesta ejusmodi vel vomitum, vel si potulenti quid fuerit, largam forsan diaphoresin aliamve ejusmodi evacuationem cieant, fec. observ. 5. morbum pariter aliquando tollere possunt, sed æquè ut medicamentum evacuans, non ut cibus vel potus avidè appetitus. 5. Est tamen observ. 6. non omninò forsan de nihilo; quanta enim sit pathematum animi vis tam in inducendis quàm curandis morbis, vix quisquam Medico practico melius perspicere poterit, consentiente planè Ratione, cum enim spiritus ad quævis actiones corporis nostri concurrant, quin eidem quoque varias inducere possint mutationes, nullum est dubium, quare & locum inter res *non naturales* Animi pathemata obtinuerunt, quæ pro diversâ sui ratione corpori nostro modò profunt modò nocent; imò quàm varios, & quos, nisi experti, vix crederemus, in spiritibus & sanguine, & consequenter totò corpore eadem excitent motus, quilibet in se ipsò experitur, suò aliquando cum commodo, aliquando cum damno: quæ prolixius paulò D. D. Schmelz. *Practicus*, nō fallor, *Dresden*: in *Posit. inaug. sub Direct. Exc. Dni. Presid.* deduxit, ubi pathemones animi sæpè causam, frequenter productum, non rarò tamen Remedium morborum, uti nonnunquam etiam impedimentum curationis esse demonstrat, eoque refert & Febrim illam, quæ peregrinos (non Helvetios saltem, quorum propria esse vulgò creditur, sed & aliarum nationum quosdam) ex nimio patriæ desiderio, sicque spirituum & sanguinis, à tali Animi pathemate, motu & mixtione turbatâ invadit, quam vulgò vocant *das Heimweh*; in curandis autem morbis, quid Ira, Terror, Confidentia erga Medicum, Patientia, Conscientia etiam, Gaudium præprimis atque Hilaritas ægri decumbentis possit, quippe quæ plus sæpè profint quàm plurima medicamenta, per Rationes & multiplices *Excell. Dr. Presidis Observ.* deducit: Quod si E. tanta est Animi affectuum vis in curandis etiam corporis affectibus, inveniet forsan paradoxa illa febris per cibum aut potum avidè expetitur Curatio aliquod tandem fundamentum, præter ea, quæ jam diximus, in illâ spirituum, ob expletum desiderium, exultatione quasi, vel quocunq; exprimere velis vel possis nomine peculiarem illum spirituum totinsq; Mass. Sang. motum, quem cuivis in seipso, ob concessum quoddam impensè desideratum, facilius

facilius experiri licet quàm debitò exprimere nomine; quomodocunque autem voces, manebit in genere peculiaris spirituum & sanguinis commotio, quæ cum extraordinaria sit & inconsueta, imò in iis, qui Animi Affectus aureò mediocritatis frænò non adeò benè coercere norunt, satis sine dubio insignis, fieri vix potest, quin notabilis etiam fiat in corpore nostrò mutatio, quâ aliquando Febrim quoque quomodocunque curari posse, haud adeò præfractè negabo, maximè si febris per se jam ad declinationem vergat, sicque non amplius vel medicamentis, vel quæ horum vices nonnunquam implent, animi pathematibus, inductisque ab his motibus, adeò pertinaciter resistat: hinc &, denegato ejusmodi cibo vel potu, si febris non saltem non cedere, sed & augeri videatur, si aliam causam admittere non velis, conceptæ id forsan tristitiæ, vel, quod forsan frequentius, vehementi iræ adscribi poterit. Quanquam autem credibile tandem evadat, dictò modò, in iis maximè, qui Affectibus fræna laxant, sicque majores, ab ejusmodi spirituum & sanguinis commotionibus, subeunt mutationes, Febrim, per se ad declinationem vergentem, penitus aliquando curari posse; Remedium tamen manet Empiricum, quod à Medico Rationali, nisi forsan cibus vel potus expetitus in se placè sit salutaris, nunquam suadendum.

TH. V.

In Phthisis Curatione ad Febrim semper respiciendum.

Quàm difficilis sit Phthisis Curatio, totuplices Medicorum æque ac ægrorum querelæ, horumque sinesta sæpè Experientia, testantur, quare & communi ferè Practicorum suffragio, in phthisi perfectâ & consummatâ, tanquam incurabili planè, ad animam potius quàm corpus cura dirigenda censetur; observavit tamen unus & alter Practicus aliquot perfectæ & consummatæ phthiseos curatæ exempla. Quemadmodum autem in morbo, licet haud adeò desperato, difficilior tamen sit cura, presentibus contraindicantibus, quod enim unum indicans cum fructu agendum suadet, alterum

rursus, tanquam sibi noxium disuadet: Ita haud vulgaris in tali casu Medici requiritur prudentia, quâ potissimum distinguere se ab Empiricô valet, ne unicum saltem, & quod primò forsan ipsâ occurrit, indicans sequendo, huic vel illi symptomati occurrat, sed alterum interim quod fortassis magis vel æquè (suo sensu) indicabat, exasperet & augeat: Cujus exemplum præbet & *phthisis*, in quâ præter tussim, aliaque consueta phthisicis symptomata, *febris* quoque adest lenta, quæ prout vel mitior est vel vehementior, minus etiam vel magis urget, Medicique ad se trahit operam; quemadmodum & reliqua symptomata aliquando magis, aliquando minus urgent curamque postulant e. gr. *tussis*, *expectoratio*: *fluxus* etiam *alvi* nimius & *p. n.* (non quivis copiosus, solent enim aliquando phthisici quoque copiosè deicere, quod, licet pessimum aliàs habeatur signum, terrorem tamen nec Medico incutit nec ægro, si accidat in iis, qui simul appetitu gaudent nimio, cum enim multum ingerant, multum etiam, & plusquàm ordinariè solent, egerant, necesse est) curam ad se trahit, taliaque expescit medicamenta, quæ promovenda aliàs *Expectoratio* prohiberet. Præ aliis autem *Febris* quoque est, quæ Curæ ordinariæ remoram injicit: Communiter sc. à Medicis, uti in aliis ulceribus diuturnis, ita & in ulcere pulmonali sive *phthisi* commendari insigniter solent *Decocta Lignorum*, *Sassafras*, *Gueja-ci*; *Radic. Chin. Ireos*. aliorumque calidiorum paulò; de quorum optimis effectibus Practici tam Veteres quàm Recentiores hinc inde testantur, ut ab aliquibus tantum non pro solis & universalibus in hoc affectu haberi videantur remediis. Verumtamen, verò accidit non rarò, ut *Febris*, quâ ejusmodi ægri laborare solent, valdè sit *intensa*; quò in casu, calidiora ejusmodi *Decocta*, præprimis *Ligni Sassafras*, vel alius etiam formæ medicamenta, suaderi à Medico Rationali, non Empirico, nec possunt nec debent; magis enim aliàs semper intenderetur febris, præcepsque fieret ad mortem lapsus, antequam *Decocta* illa suam in curando ulcere absolverent operam; itò nec impossibile esset, ut, licet decocta illa continuata minus curarent, æger interim, curatò etiam ulcere, ex febre tamen, nimis & quotidie magis per decocta illa intensâ, viriumque defectu moreretur. Mutanda itaque paulisper in tali casu cura & ad *Fe-*
brim

brim præcipuè, prioris tamen indicationis non omninò obliuiscen-
 do, dirigenda. Cujus quidem *cautela* in praxi maximè observan-
 dæ mentionem etiam præ aliis faciunt *Sennertus*, & ex paulò Re-
 centioribus, *Willisus*; quin ex Recentissimis quoque *Morton*, qui
 eam in *suâ phthisi*. non semel inculcat: Hi tamen, præcipuè duo
 priores, calidiora & sicciora talia in eò saltem casu prohibita vo-
 lunt, ubi spes salutis omnis jam decollavit: Hinc & *Beatus noster*
Häsenrefferus in *Disput. de Phthisi* quoad summum gradum, inquit,
 etiam si jam omnis spes salutis quasi contabuerit, haud tamen dese-
 rendus est æger, sed eadem, si non ad evitandam, tamen ad remo-
 vandam mortem, medica manus supponenda; quò in casu, pergit Il-
 le, docet *Cl. Sennertus*, humectantibus solùm, refrigerantibus ac
 nutrientibus corpus extenuatum reficiendum: Sic enim vita ali-
 quandiu protrahitur: medicamenta etiam, quæ ulceri conveniunt,
 & extenuato corpori prosunt, ita misceri & attemperari queunt, ut
 medicamenta unâ parte ulcus purgent, abstergant, & siccant, alte-
 râ verò corpus reficiant. Et *Willisus*: in hoc casu, (ubi scil. phlo-
 gosus adsit in gutture cum dolore admodum molesto, quod morbi
 deplorati facti signum habeatur certissimum) inquit, pulmonis mun-
 dificatio, nec non ulceris abstergio & exiccatio frustra intenduntur:
 nam medicamenta quæq; calidiora, in eos fines destinata, & in phthisi
 incipiente satis commoda, in confirmatâ intolerabilia existunt, qua-
 tenus nempe pulmonis phlogosin augentia, febrem hecticam, sitim,
 vigilias, aliaque symptomata perquam intendunt, aut de novo ac-
 cient: quin verò in tali morbi hujus statu, ubi tantum vitæ protra-
 ctio cum *εὐφροία* & *εὐζωασία* proponitur, ea potissimum remedia
 conducunt, quæ sanguinis fervorem compescunt, præcordia astu-
 antia contemperant, atque spiritus instaurant & blandè demulcent.
Verum enim verò non in hoc saltem extremo casu, sed & ubi adhuc
 haud exigua superest curationis spes, & quocunque demum morbi
 tempore, cautela hæc oculis & animo perpetuò obversetur, quoties-
 cunque ex variis causis sive internis sive externis, febris juncta ve-
 hementior sit, quod non in summò saltem morbi gradu, sed & in me-
 dio, imò sæpè in principio statim morbi contingere solet, id quod
 etiam *Willisii Contreræus*, *Morton*, vel tribus saltem verbis notasse

videtur: hinc, licet etiam *Expectoratio* omni studio sit promovenda, quòd si tamen simul intensior adsit febris, quamvis & expectoratio sit difficilis, proindeque validiora paulò & calidiora, mucum viscidum attenuantia e. g. sperma ceti, flor. sulphuris, benzoës, rad. ireos, gummi Ammoniac. &c. requirat, *febris tamen intensior* ea ordinariè non admittit, nisi forsan extrema adsit necessitas, statusque satisfatis periculosus, hinc difficili respiratione & metuenda suffocatione, illinc intensam nimis febre ingens ægro periculum minitante; quic casus præ aliis, prudens omninò Medici practici iudicium requirunt.

TH. VI.

Menses suppressi per Emmenagoga non semper ciendi sunt.

Inter *Res non naturales* meritò referuntur & Evacuationes variae, interque has solennis illa sexûs sequioris menstrua, utpote quæ non secus ac reliquæ, pro diversâ sui ratione & salutaris est corpori foeminino & noxia; salutaris sine dubio, si debito modò excernendus ille quovis mense sanguis fluat; talem enim ex sapientissimi & providi maximè in futuros casus Creatoris voluntate nacta est foemina dispositionem, ut non tantum sufficiens pro individui sui conservatione, sed & pro futuri aliquando foetus nutritione, alimentum præparet: Ne verò succi hi, dicit *Excell. D. Bohnias*, quos in aliena commoda cumulat eadem, copiâ & mole ipsi extra gestationis aut lactationis negotium exitiosi evadant, statim temporibus vasa deplentur, tantumque illius massæ rejicitur, quantum pro allevando parum corpore huiusque viribus congruum, donec congestis pristinis copiis, nisi imprægnatio superveniat, novam sarcinam denrò deponat eadem mulier. Quò modò Fermento vel Utero innato, vel circa eundem congesto, à salibus, cum alimentis deglutitis, ac cum succi alibilis redundantia ad uteri tubulos devolutis, derivando, vel denique è longinquo, à Lunâ emendicando, opus non erit, cum ipsa ex necessitate dispositionis foemininæ contingens sanguinis abundantia & turgescencia, unâ cum uteri conformatione, vasorumque

ela-

elasticitate, ad hoc opus videatur sufficere: plura circa hanc hypothesin desiderans adeat præ aliis *Cl. Bohnii Circul. Anat. physiol. & Cl. Bergeri, Prof. Witteberg. Diss. de Suppressione Catameniorum*: Quibus tamen, ut & quibuscunque sententiæ hujus Patronis sequens cum dictâ hypothesi, licet omnium aliàs facilimâ, conciliandum proponere liceat phænomenon: *Observatus* in praxi, in communi suppressione mensium, Emmenagoga effectum suum non præstare, nisi circa illos demum dies, quibus aliàs in statu naturali redirent menses, exhibeantur, non verò tempore intermedio: Quæritur E. cur turgescant, ὀρρασμός, nifus ille adsit e. g. quartâ post primam fluxus suppressionem septimanâ, tempore scil. quo fluxus naturaliter redire deberet, illisque diebus menses per menagoga cieri possint, non verò quintâ, sextâ, septimâ hebdomadâ, ubi major adest sanguinis quantitas quàm quartâ? cur octavâ, tempore rursus ordinario, non verò nonâ, decimâ, undecimâ, in quibus tamen rursus turgescere magis deberet sanguis, quàm octavâ? cur duodecimâ, tempore iterum fluxui debito, non verò decimâ tertiâ, quartâ, vel quintâ? & sic porro. *Evadit* autem eadem solennis excretio noxia valdè, si vel nimia sit, vel dolorifica, vel suppressa; Suppressionem maximè fecundam variorum malorum matrem esse, quotidiana, me etiam tacente, loquitur Experientia; Quemadmodum autem in ejusmodi casibus præcipuam curam in restitutione evacuationis illius adeò salutaris positam esse nemo nescit; ita varios tamen aliquando in praxi, circa media ad scopum illum ducentia, committi errores, nullum pariter dubium est: Dari enim Casum non unum, ubi, suppressi licet menses, per Emmenagoga tamen ciendi non sunt, Cordationum Practicorum nonnulli jam dudum monuerunt, e. gr. *Sennertus, Wedelius &c.* ipseque præ aliis *Exc. Dn. Praeser*, qui inter alias plures hanc quoque *Cautelam*, in praxi maximè observandam, tam publicè quàm privatim urgere solet. Præter scil. *Pregnantes & Lactantes*, quibus menses absque incommodò, aut requisitâ curâ, fluere non solet, *accidit* r. ut à præcedente insigni & copiosâ sanguinis *evacuatione* e. gr. à casu, vulnere &c. menses subsistant, sive potius non fluant: in quò casu quis, nisi Empiricus, causas morborum non attendens, medicamenta Emmenagoga sive menses pel-

lencia præscriberet, cum sanguis, qui expelli debeat, ob præcedentem jam copiosam evacuationem, non adlit? non enim statum illud tempus est, sed abundantia & turgescencia, quæ sanguinem ad solennem illam evacuationem urget; in tali autem casu redibunt vel sponte, post aliquod tempus, vel imperatâ bonâ victûs ratione sicque restauratâ debitâ sanguinis quantitate, menses. 2. observare licet, non rarò *post præcedentes febres* sive continuas sive intermittentes, emanere menses, ubi scil. pariter debita sanguinis & feri, à præcedente morbo dissipati & absorpti, quantitas non adest, quæ Emmenagoga rursus exulare jubet; aliquando enim incommodi exinde ægræ nil quod vel sentiant, vel timeant, habent, si sc. alia symptomatica curam postulantia non adsint: hinc Regula Cl. Wedelii: Ubi-
cunque à mensibus suppressis nulla naturæ vel actionum naturalium læsio vel actus adest, vel ex hoc capite imminet, cessat indicatio menses movendi; maximè si statò tempore motûs hujus intentati vestigia à naturâ prodantur nulla: *Et paulò post Idem*, nunquam, *inquit*, menses fluere nõrunt & ὀργασμὸν pati in utero, nisi redundaverit in corpore sanguis & motu suo ὀργασμώδει huc feratur: pel-
las ergò, Empirice, quantum velis, vel ipsâ sabina aliisque potenti-
bus propinatis, frustra erunt omnia, nisi sanguinis consensus acces-
serit universalis. *Quod si autem post morbum ejusmodi non men-*
ses saltem emanent, sed & ex defectu illo sanguinis & feri, (non
mensium, qui tunc non Causæ, ut sæpè Medicorum putat vul-
gus, sed symptomatis concomitantis rationem habet) quin for-
san ipsorum viscerum in officiò remissione, aliqua sentiantur incom-
moda, e. g. nutritio læsa, macies, virium debilitas &c. cura quidem
desideratur, non tamen ad pellendos menses, verum ad debitam
sanguinis quantitatem & crasin, viscerumque texturam restituen-
dam, quò nomine *juscula alterata*, præter alia, meritò commendan-
tur, quæ præter virtutem alterandi, nutriunt etiam, sanguinis
quantitatem restaurant, unà cum Gelatinis &c. aliisque anatrepticis
& analepticis: hinc & *Sennertus lib. 4. prax. part. 2. sect. 2. cap. 3.* in
febris, *inquit*, & similibus morbis, qui hepar debilitant, sangui-
nemque ab eò generatum in totò corpore absument, non solum ni-
hil sanguinis superflui, quod singulis mensibus evacuetur, redundat,
sed

sed & ob ejus defectum nutritio læditur & corpus emaciatur; ideoque errant, qui in talibus casibus menstrua provocantia exhibent, cum sanguis, qui evacuetur, non adsit; quem paulò post bonà potius victus ratione reparandum suadet. Præter verò hos à citatis Autoribus adduci solites, datur 3. Casus, ubi pariter quidem post febrem sive continuam sive intermittentem menses emanent, sed cum variis Chloroticarum symptomatibus atque incommodis, quibus tamen juncta sunt talia, quæ non tam crassum & viscidum, familiarem aliàs Chloroticis sanguinem, quàm potius præter sanguinem cum lymphâ deficientem, ejusdem particulas calidas, sulphureas, biliosas, acres, tenues p. v. & volatiles effrantes, indicant, qualia sunt paller ad luteum magis quàm lividum accedens, calor p. n. sitis, urina tenuis, justò magis tincta, pulsus celer, frequens, phlogoses &c. de quò integr. vid. Disput. inaug. Beati D. D. Braunii, Phyci Neurolog. Amici, dum viveret, suavissimi, sub Direct. Exc. Dni Prof. habit. ubi non modò non juvare, sed & maximè nocere, illasque molestias augere Emmenagoga; prolixius demonstratur, Curaque potius per Absorbentia, Resistentia temperata, Refrigerantia, pulveres, aquas, gelatinas, juscula alterata, instituenda proponitur, confirmante hanc methodum felici Experientia. Imò etò similis datur modò recensito casus, ubi, licet nullus præcesserit morbus, sed a græ in statu adhuc versentur neutro, sive sanitatis latitudine, cum actionibus adhuc suis obeundis aptæ sint, adsunt tamen, præter ordinaria Chloroticarum, recensita modo symptomata, & signa, quæ gradum ad futuram forsan febrem lentam tabificam sternere videntur, ubi pariter non Emmenagoga, symptomata illa plus exasperantia (licet in tali casu ab Exercitatissimis etiam Practicis, quibus nec Experientia deest nec judicium, præscribi aliquando soleant) sed, uti in priori, Refrigerantia, etiam Emulsionēs ex seminibus refrig. &c. optimo cum fructu suadentur; sponte postmodum absque ullis medicamentis vel aliquando levissimis saltem adhibitis emmenagogis, qui antea fortissimis non ob diebat, redeunte menstruò fluxu. Denique datur Casus, ubi Menses à tali quidem Causa, quæ emmenagoga secundum Meth. Med. requirit, supprimuntur; fit tamen ut sanguis, ob cumulatam sui copiam & largitatem, cum per ob-

stru-

obstructas ordinarias vias non possit, exitum per alias e. g. *vasa pulmonalia* quærat, sicque hæmoptoën excitet, aliquando magis, minus aliquando noxiam, (non enim quamvis hæmoptoën, magnum inferre damnum *in Lektionib. publ. Exc. Dn. Præsid.* monuisse memini, quippe qui non semel ægras ejusmodi plethoricas, vel suppressione mensium, vel feбри quadam laborantes tractaverit, quæ magnam satis sanguinis copiam, quovis etiam febrili paroxysmo ejecerint absque ullo subsequente damno, imò forsan non sine aliquo fructu) in quò casu ordinaria è *Fonte Pharmaceut.* communiter præscribi solent *Menagoga*, quæ tamen, licet à primariâ causâ indicentur, nec Ratio nec Experientia comprobât, in tali præcipuè casu, ubi insignis ægro hæmoptoë minatur damaum; commovent enim *Emmenagoga* sanguinem, orgasmum ei inducunt, nec tamen præcisè ejusdem impetum ad uterum determinant, sed quaquaversum eundem, sicque ad pulmones æque ac uterum propellunt; cumque in supposito casu minorem in pulmonibus, jam antea læsis, & ad quos trita quasi jam est via, quàm in obstructis vasis uterinis, inveniant resistantiam, mechanicâ prorsus necessitate eò potius determinatur impetus & affluxus sanguinis, ubi *resistentia est minor*, sicque hæmoptoë non sine ægræ periculo augetur: Meliora autem in tali casu meritiò judicantur *Repellentia* (quæ Experientia quotidie laudat, nec circulus sanguinis mechanicæve legis improbant) è *Fonte* præcipuè *Chirurg.* e. g. *V. S. in pede, cucurbitula frictiones calide, pediluvia calida, &c.* quibus sanguinis impetus à superioribus ad inferiores corporis partes determinatur, ipsique, quaquaversum alias ruituro, via quasi ad uterum monstratur, frequenti, cui plus in ejusmodi casibus, quàm soli facile erroribus obnoxie Rationi fidendum, Experientiâ id demonstrante.

TH. VII.

Quoad usum Repellentium Recentiores verbis multum, re ipsâ parum à Veteribus differunt.

Acrius contra medicamenta à Veteribus in curatione tumorum laudari solita *Repellentia* debacchari solent *Recentiorum* plurimi, par-

partim, quòd impossibilis planè sit humoris affluentis Repulsio, quippe quæ cum sanguinis motu pugnet, cum sanguis à corde perpetuò ad partes propellatur, regredi verò per easdem vias nesciat; partim quòd ipsa tumorum causa obstructio, per medicamenta ejusmodi Repellentia, frigida & adstringentia augeatur, ipsi vasis elapsi & tumorem constituentes humores frigidiores, crassiores, viscidiores, ad motum ineptiores reddantur, sicque non saltem per Repulsionem, utpote impossibilem, regredi nesciant, sed & postea per Digestionem, Discussionem difficilior fiat cura; maximè cum ipsa testetur experientia, non rarò adhibita ejusmodi Repellentia, abscessus, gangrænam, sequi; cum humores & per se & magis adhuc per repellentia in motu impediti atque stagnantes corrumpi debeant, præprimis cum Repellentium pleraque gaudeant Acidò. peccans stagnantium succorum Acidum augente; partim denique quòd citius, tutius, & jucundius omnes inflammationes, tumores & dolores per Discutientia, stagnantes, viscidos, crassos humores Resolventia, Attenuantia, Incidentia, Absorbentia, Anodyna, feliciter tollantur. Equidem non adeò malè à Recentioribus istis, ut sibi suisque videntur, Medicinæ Reformatoribus omnia hæc dicuntur; præstat tñ. ut loquitur *Excell. Dn. Preses in Lætion. publ.* præ acri refutatione, imò dirà duràque condemnatione, sicut in aliis, ita & his, potius melior explicatio, conciliatio, moderatio, limitatio. Scil. damnantur passim ab illis Veterum dogmata, licet sæpè neglecta nec intellecta, quotusquisque enim, quæso, illorum est, qui non rejicere statim omnia, si vel terminos saltem Veterum sapiant, quàm potius limitare eadem, cum aliis conferre, melius explicare, & tandem quantum possibile, cum Recentiorum cogitatis conciliare studeat? quod tamen uti non rarò circa alia, ita & circa hec ipsum, de quò agitur, punctum, medicamentorum Repellentium usum, licet non omninò, aliquemodo tamen fieri posse & debere videtur. Quod si enim nostrorum in Arte Majorum praxin & curandi felicitatem perpendamus, credibile vix evadit, licet in Theorià & phænomenorum explicatione rem non semper acu, secundum hodiernas hypotheses (hypotheses enim non principia talia rectè dicit E. Bartholinus) tetigerint, potuisse tam crasse omnes, quorum tamen plurimos acutarum satis narium fuisse

se negari nequit, in praxi quodque errare, & talia commendare medicamenta, quorum noxam, si tanta esset, non potuisset non frequens tandem per tot secula usus detegere, tam stupidi enim nesci quam concipiendi sunt, ut noxiam eorum usum in diffusa æq. è & feliciori non raro, ac Recentiorum praxi, non animadvertierint; hanc vel nocens adeò non est talium applicatio, nec tanta, quibus vultu proscindi solet, mereatur convitia, vel non tam frequens ipsorum apud Veteres quoque fuisse videtur usus, maxime cum non nisi in principio adhiberi, Digerentibus plerumque misceri, totque casus, ubi proficua non sint, excipi soleant: evolvantur Veterum monumenta, quot & quantas cautelas circa repellentia posuerint, quas si necesse est, à Modernis tam acriter contra Veteres debacchantibus repetitas sed absque mentione Veterum monstrare licet. Accidit verò non raro, ut Veterum curandi methodus in theoriâ rejiciatur, in ipsâ tamen postmodum praxi, eadem, quæ à Veteribus, præscribantur medicamenta: imò qui Veteres sibi familiares reddidit Prædictos, simul & hodiè jungit Modernos, reperiet in horum tractatibus mirè deprædicata sibi solis adscripta medicamenta, quæ ex *Foresti*, *Craconis*, *Solexandri*, *Fernelii*, *Plateri*, *Paracelsi*, *Crollii* &c. voluminibus ac observationibus de verbo ad verbum de-ex- & transcripta sunt: e. g. in *Idioto* Veteres *bilem nimiam quantitate* (non exclusâ qualitate) *peccantem* minuire, evacuare, jubent: Reclamat Recentiorum non unus, viscidum nimis esse sanguinem, peccare bilem non in *excedente* sed *deficiente quantitate*, bilem sanguini restituendam, promovendum ipsius proventum &c. Quòd si autem ad praxin deveniatur, eadem planè *Antidærica*, sæpissimè ac formulis quidem mutatis, adhiberi videas, variatis saltem nominibus, ut quæ Veteribus bilem in sanguine minuentia, Recentioribus bilem generantia vocentur: Pari ferè modò se res circa medicamenta Repellentia habere videtur: Sunt inter Repellentia fortiora *adstringentia*, *terreo-styptica*, *Saturnina*, *alcalina*, *calces*, *preparata*, *pulveres erysipelarodes* &c. e. gr. *bol. armen.* *terr. lemnia*, *creta*, *cerussa*, *lithargyr.* *corallia*, *visc. quercin.* *malicerium sive cortex granat.* *rad. tormentill.* *alum.* *terra Vitriol.* *Cineres* &c. Hæc verò omnia & adhuc plura ab iisdem Reformatoribus in usum duci solent, mutatò paulum nomine, quatenus hæc ipsa,

epia, quæ Veteres Repellentia, Refrigerantia, Adstringentia, Recen-
 tiores Acidum stagnantium liquorum Absorbentia nominant: Mi-
 scent scil. quandoque hæc cum spirituosis e. g. *spiritu vini Camphoræ*
 qui tubulos penetrant suâ vi aperiat, ut agitatæ sic & attenuatæ
 particulæ acidæ peccantes in addita Absorbentia transeant, & lo-
 cum in illis à citò avolante spiritu vini relictum, cum vacuum dari
 non possit, necessariò repleant: At & Veteres Digerentia Repellen-
 tibus miscenda frequentissimè inculcant. *Frequens* quoque Vete-
 rum Refrigerans & Repellens est *Camphora*: commendant verò ean-
 dem & ad cælum usque extollunt Recentiores, non quidem tan-
 quam *Repellens* & *Refrigerans*, sed tanquam *Calidum* potius, *Discu-
 tiens*, *Attenuans* medicamentum, & rectè quidem, calidam enim ejus
 naturam, præter vires manifestas, non orgo saltem, quæ cortex est
 radicis arboris *Cinamomi, baccifera* (licet hæc rarior sit, *vulgaris* enim
Camphora, non *corticem* hujus radicis, sed propriam *arborescam*
phniferam, nuciferam, pro suâ agnoscit matrem) sed & ipse penetrantissi-
 mus & peculiaris odor satis demonstrat. Præter verò *Camphoram*,
 sunt adhuc plura Repellentium Catalogo à Veteribus inserta, & sub
 tali nomine in usum ducta e. g. *alsin. lentic. palustr. sperma ranar. ace-
 tum, oxycrat. pulver. erysipelatod. variis &c.* quæ à Repellentium
 quoque hostibus, sed sub Attenuantium, Digerentium, Resolven-
 tium titulo, multoties commendata reperire licet. *E Reliquis* verò
 Veteribus sub Repellentium nomine venientibus, quæ nec absor-
 bendo nec attenuando secundum Recentiorum placita agunt, adedò-
 que tanquam vera Repellentia, vel potius, frigida, succos viscidos,
 crassos magis incrassantia, sicque noxia & rejicienda ipsis videri
 possent, plurima sunt *Anodyna*, quæ à Recentioribus æquè ac Vete-
 ribus in ejusmodi casibus urgeri solent aliisque miscenda præscribi
 e. g. *ol. ros. laudatum* adedò repellens ac Defensivum, *solan. nymph.*
viob. aliaque plura. Quid? quòd forsitan nec ipsi Veteres omnia in
 libris sub Repellentium nomine recensita in usum duxerint? quem-
 admodum nec à Recentioribus omnia in specie, quæ sub hoc vel
 illò titulò in libris commendantur, sed ea solum, quæ frequentior
 experientia approbavit, usurpari solent. *Vt E.* in ipsâ praxi tanta
 inter Veteres & Recentiores differentia non sit, ac obiter generalia
 D 2 ucrius-

utriusque ordinis dogmata considerantibus, ipsisque hisce Reformatoribus videri solet, qui quandoque à Veteribus, si in reipsâ & praxi non possunt, verbis saltem & explicandi modô differre gloriæ sibi ducunt: imò, saltem ne suorum patronorum sententiam & modum agendi mutent Recentiores quidam licet Experientia & praxis aliorum ipsis aliud dicat, inhærent huic propulsationi & exilio Repellentium (ut vocabant Veteres): ipsi verò non rarò in praxi adhibent *e. g. ad ophthalmiam præcavendam albumen ovi cum alumine*. Equidem nec mihi Veterum praxin in totum defendere, vel cum illâ Recentiorum omnimodè conciliare animus est, cum errare humanum sit, Veteres verò & homines fuerint, & humani à se nihil alienum putaverint; quin potius laudabile esse duco, inquirere in Veterum dogmata, eadem tamen non promiscuè, quàmprimum verba non ad delicatum Recentiorum palatum composita sunt, *non sine injuriosis & sarcasticis verbis* rejicere, sed conciliationem tentare, si verba vel modus explicandi hanc non admiserint, rem tamen ipsam servare, emendare, aliter explicare, & profiteri simul per quos profeceris, Veterum nomina non supprimendo, tandem verò si nec res nec verba cum hodiernâ experientiâ congruant, tanquam erronea, amicè tamen, rejicere: qui hodiè tam fervidè explodunt, damnant, homicidii absque limitatione accusant Veteres, proximo seculo ab omnibus laudem reportaturi sint, dies docebit. Ipsa autem, de quibus nunc sermo est, Repellentia an *quà talia*, non *quà Anodyna*, Absorbentia, Attenuantia, in tumoribus adhiberi possint, inquirere, meus hac vice scopus non est; Sunt tamen & inter Recentissimos, quæis æquè ad minimum ac illis Cartesii pullis,

De meliore lutô finxit præcordia Titan

e. g. Wedelius, Muraltus &c. qui in tumorum principiò illa strictè sic dicta Repellentia, *quà talia*, commendare non dubitant, mixta quidem plerumque attenuantibus, solventibus, calidis, *sive* ut pars humoris repellatur, pars, regredi forsan nescia, non à repellentibus illis incrassatur, sed dissipetur, *sive ad mentem laudatiss. Wedel.* efficaciora ex additis illis tenuioribus, calidis, reddantur Repellentia, sintque illa tanquam vehicula repellendi viribus intrò deferendis: quis verò Exercitatissimos hos practicos, qui nec Galeni nec Car-

ressi mancipia sunt, talia ex præconceptis solum opinionibus, non
 verò frequēti experientiā commendare, asserere auit? præsertim
 cum nec *Ratio* ex Analogiā maximè petita, dissentire videatur:
 Quoties enim accidit, ut humores in tumoribus collecti *e. g. in va-*
riolis, morbillis, scabie, podagrâ &c. retrocedant, magnamque malo-
 rum seriem, ipsam aliquando mortem, eamque sæpè subitanæam,
 inducant? hinc & in dictis pluribusque aliis casibus, quoties sc. tu-
 mores sunt *Critici*, à *Naturâ*, ut loqui vulgò solent, sanguinem de-
 purante & despumante ad extrema pelluntur, *maligni* sunt, *venenati*
 &c. Repellentia prohiberi solent: Nôvi equidem, quid responderi
 ad hæc solet; scil. in ejusmodi casibus *e. g. variolis*, non retropellit
 humorem jam in tumore præsentem, sed sanguinem per se jam len-
 tam & tardius motum, magis incrassari, in motu impediri, ulte-
 rioremque depurationem, despumationem sufflaminari & siki, id
 verò humoris, quod tumores & pustulas jam fecerat, dissipari, sic-
 que quia dissipato alius ab intra non succedat humor, tumorque e-
 vanescat, retropulsus videri vel retrogressus; quare & plerum-
 que sequi soleat *diarrhœa*, quoniam scil. sanguis, cum depurare se
 per exteriorē corporis ambitum non possit, eandem despumatio-
 nem in interioribus instituat, fluxumque talem cieat. *Verum* accu-
 ratius paulò dicta pensitanti responsio hæc non satisfacit: accidit
 enim, ut *variola e. g.* subito sæpè ab adveniente frigidiore aurâ ex-
 ternâ evanescant: dissipari in tali casu humorem sub pustulis con-
 tentum & subito & ab *aëre frigido*, id quidem creditu & conceptu
 perquam difficile est; (fieri id aliquando in aliis casibus, non nega-
 tur) nec enim adeò facilis est humorum discussio & dissipatio, ma-
 ximè si jam sint *purulenti*, ut subito quasi aut brevi adeò temporis
 spatio fieri possit, nullâ præprimis accedente causâ externâ mani-
 festâ quàm *Aëre* vel *medicamentis frigidis*, quæ discussionem maximè
 impedire, nemo nescit: necessariò igitur humor ille variolosus in
 sanguinem quomodocumque regreditur, variaque in corpore, fir-
 nestâ plerumque parit symptomata, nihilque planè ex subsequen-
 te *diarrhœa* (quæ tamen non semper subsequitur) pro solâ impe-
 diti secretionē & depuratione sanguinis concluditur, cum faci-
 lius fieri fluxus talis sive criticus sive symptomaticus possit, si præ-

ter sufflaminatam illam versus exteriora despumationem, etiam secretus jam à sanguine liquor eidem reaffundatur: *Annus* est, ex quo *Excellentiss. Dn. Praeses* infantem ejusmodi sub curâ habuit, qui totus variolis obsidebatur, quæ tamen subito evanescentes (non sine suspitione causæ alicujus externæ) ita quidem, ut, quod rarius forsan contingit, *ne vestigium quidem vel unius macula in cute apparet*, inductis convulsionibus, infantem neci dederunt: Memini etiam in privatô aliquando discursu sequentia ab *Excell. Dn. Pras.* me percepisse aliorum tumorum exempla: Laborabat *Nonnemo* ulcere pedum diuturno cum insigni pedum tumore, consolidabatur per se ulcus & tumor evanescebat omnis; quô factô jacebat æger, quasi apoplecticus, absque ullô sensu; fricabantur pedes, redibatque fluxus ulceris cum priore pedum tumore, & cum his sensus atque sanitas. *Alius* laborabat ulcere renum, ex quô evadebat cachecticus, intumescens valdè pedibus, vomitu subito superveniente spontaneo, mox tumor omnis evanescebat, qui non amplius redibat, manente licet cachexia, quæ morti tandem ipsum tradebat. Vexabatur *Alius* podagrâ cum insigni pedum manuumque tumore & movendi impotentiâ; intra horæ quadrantem tumor omnis ad præternaturalem usque flacciditatem evanescebat, succedente aliquali dolore colicô, & cardialgiâ indicibili, cum conatu vomendi; quibus symptomatibus duorum dierum spatio evanescentibus, nullô redeunte tumore, æger sanitati restituebatur. *In his verò & similibus pluribus passim in praxi occurrentibus exemplis*, insignes aded tumores subito per insensibilem transpirationem discussos fuisse, id ego quidem, nescio, an ob rei difficultatem, an ingenii stupiditatem concipere neutiquam possum, accedentibus præprimis *illis symptomatibus*, quæ probabiliter satis, pensatis omnibus circumstantiis, *regressum humorum* docent. *Ne jam inquiram*, quomodo pleuriticorum pus, asciticorum in abdomen effusa aqua, per alvum modo, modo per vesicam eliminetur: regredi enim & resorberi per vasa revehentia, multi sunt qui dicunt, licet aliis pori partium magis arideant. *Quod si* E. in adductis exemplis circulatio sanguinis impedire humorum retrogressum non potuit, cur eadem Repulsionem per me-

dicz

dicamenta inhiheret? Non enim opus est, ut, si fiat repulsio, fieri illa per arterias statuatur, cum haud adeò incommoda huic forsan maveri sint vasa revehentia, in quorum sive oscula s. poros, cum non obstat sanguinis motus, uti in arteriis, exprimuntur quasi & intruduntur per Repellentia humores illi, si fluxiles adhuc sint, crassi enim & viscidii, quales in omnibus tumoribus, sed falsò, à Recentioribus supponuntur, ex Veterum quoque sententiâ Repellentia non admittunt, quoniam scil. exilia illa foraminula intrare nequeunt, quos proinde ab adhibitis Repellentibus magis incrassari, non negatur. Dices: obstructa verò sunt vasa revehentia, quomodo igitur repelli per illa poterit humor? Resp. in tali casu, ubi commendari solent Repellentia, tumorum nempe principio pauciora adhuc obstructa sunt vasa; hinc per alia forsan vicina, quæ nondum obstructa sunt, repulsio fieri potest. 2. Levior etiam adhuc est obstructio, facilius hinc tollenda ejusque resistentia superanda per appulsam sanguinis arteriosi, (qui solus aliquando vasa deobstruit) pressionem humoris per repellentia factam, vimque à mixtis Resolventibus superadditam, præsertim cum vasa illa revehentia in majores & ampliores semper coeant ramos, quales canales facilius deobstruantur, quàm qui in minores semper abeunt propagines, quales sunt arteriæ. 3. Discutientium usus multas ad regressum per revehentia vasa aptas reddit particulas, quæ reversa, hic, ibi mutantur aut educuntur. Ne jam inquiram, an, quod illi supponunt, obstructio semper sit causa tumoris? quid si aliquando s. per *Ἀναίρεσιν* s. *Ἀπαρθήσιν*, &c. humor è vasis in interstitiis elaboretur ibique tumorem constitueret? in tali casu non tam obstructio quàm compressio vasorum, non tanquam causa, sed tanquam effectus tumoris sequeretur; licet compressionem, æquè ac obstructionem, causam aliquando tumorum constituere, nullus dubitem. Quamvis igitur ponerem, usum Repellentium in genere vel nullum esse vel parvum, ipso-ram tamen actio nec circulationi sanguinis contrariabitur, nec impossibilis erit, multò minus Desendentium & Intercipientium, quorum usus. æquè ac Repellentium, impossibilis pariter ac noxius judicatur, idque, ut putat Reformatorum istorum Oraculum, Cornelius Bontekui, partim ideo, quòd ipsi Tumori applicita affluxum ad il-

lum

lum impedire non possint, *partim*, quod affluxus humorum sisti possit, nisi per extremam arteriarum & nervorum constrictionem, qualia tamen, quæ hoc præstent, medicamenta non dentur, & si darentur, noxia essent, adeoque in perpetuum releganda. Verum 1. non applicantur Defensiva & Intercipientia, quæ talia, ipsi Tumori, sed parti vicinæ, per quam fit affluxus, prout id passim apud Autores Practicos, *Sennert. Wedel. &c.* videre est. 2. Nemo tam vesanus erit, tacentibus etiam illis Reformatoribus, ut omnem penitus humorum per talia sistere vellet affluxum, quod utique nec adeo facile esset, nec proficuum, sequeretur enim gangrena; sed vehementem saltem affluxum paulisper cohibere, ne tantò cum impetu ad partem affectam ruant humores, intentio est; id quod per *frigida, Astringentia, Defensiva* fieri posse, quotidiana, non contradicente Ratione, loquitur Experientia, ipsi quoque talium *hostes* in praxi invitati, firmissimo tamen testimonio, confirmare coguntur, dum eadem e. g. in *hamorrhagiis*, & applicant ipsi, & aliis passim commendant. Nec tamen his detractum quicquam velim meritissimæ Recentiorum laudi, qui Artem Nostram hactenus faciliorem, clariorem & feliciorem reddiderunt, qui adhuc quotidie Observationibus, Phænomenis, Ingeniosis Rationibus & Experimentis lucem & augmentum Ipsius omni studio promovent.

Hæc, è *Lectioib. Excell. Bn. Pras.* maximam partem desumptæ, & ulterius paulò, licet, quàm decebat, minus accuratè deductæ Theor. pro *Exercitio Inaugurali* sufficiant: plura enim & accuratius elaborata addere temporis ratio prohibuit.

DEO TER-OPTIMO MAXIMO
SIT LAUS, HONOR ET
GLORIA.